



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 22. Cessio Comitatum suasu duorum Franciscanorum a Rege facta.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.
A. C. 1492.

§. XXII.

*Cessio Comitatum suavis duorum
Franciscanorum a Rege
facta.*

*Belcar. l. 4.
versus finem.
Bellefor. l. 5.
c. 158.*

Hunc in finem Ferdinandus in Fran-
ciam alios ablegavit Oratores, qui
postulata urgerent. Hi ergo sua dexte-
ritate sibi conciliabant duorum Franci-
scanorum amicitiam, qui in Aula pluri-
mum auctoritate valebant, quorum unus
erat Olivarius Maillardus, qui Carolo Regi
a confessionibus erat, & suo ævo verbi
divini Præco longe celeberrimus, quam-
vis ceteroquin in dicendo elimatæ elo-
quentiæ ornatu non adeo emineret. Al-
ter vero erat Joannes Mansiernes, (*)
qui itidem Borbonii Ducissæ conscien-
tiam moderabatur. His Ferdinandus do-
liola, perinde ac si hæc vino Hispanico
repleta forent, pecuniis plena submisisse a
quibusdam refertur, alii vero testantur,
quod ampullas auro refertas eis transmise-
rit, ceterum quidquid de hac re sit, id sal-
tem exploratum habetur, quod hi duo
Franciscani rem suam optime gesserint,
atque primum acquisita Optimatum gra-
tia, demum Regi exposuerint, fidei dog-
mate nos edoceri, quod animæ corpore
solutæ

(*) *Alii Mauleonem vocant.*

Sæcul. XV.
A.C. 1492.

fia, qui olim Regis Moderator, vir pro more suo valde religiosus erat, tam gravi fermone rem Carolo proposuit, ut ipse restitutionem fieri consentiret, eo potissimum nomine, quod a quibusdam subornatis diceretur, jam ipsum Ludovicum XI. pene moriturum hac de re monitum præcepisse, ut ad exonerandam ejus conscientiam Ruscinonensis & Ceretanus comitatus redderentur Idem etiam Regi suaserat Borbonii Ducissa, de qua incertum extat, quanam in patrem suum pietate induta fuerit; cum enim de integra fide virorum, qui talia narrabant, nihil dubitaret, atque ad ultimam Patris sui voluntatem accurate adimplendam, sub poenæ æternæ metu sese obstringi existimaret, tanta sermonis vi Carolum fratrem suum expugnabat, ut quantocius restitutio fieri juberetur, dissidentibus nequidquam Senatoribus, proin Rex pro summo imperio rem decidisse merito dici potest. Ergo Ludovici de Ambasia Episcopi Albiensis opera Mense Januario anni sequentis instrumentum cessionis erectum, firmatumque fuit.

§. XXIII.

¶ *Pacis consilia Angli cum Gallo.*

Bacon. hist.
Henric. VII.

Hujus cessionis articulos non modo conceptos, sed pene jam utrinque firmatos